



2017/2021

PROGRAM RADA UDRUŽENJA POSLODAVACA KS

prijedlog



UPRAVNI ODBOR UP KS

Udruženje poslodavaca KS je dobrovoljna neprofitna i nezavisna organizacija poslodavaca koja štiti i promovira prava i interese svojih članova.

UP KS je osnovala grupa uglednih privrednika Kantona Sarajevo s ciljem da postane legitiman, nezavisan i snažan glas poslodavaca i poduzetnika u uslovima tripartitnih demokratskih odnosa na području Kantona Sarajevo.

Utemeljeno na principu dobrovoljnog članstva i na načelima slobode udruživanja UP KS štiti interese svojih članova radeći na stvaranju povoljnijeg ekonomskog okruženja i promovirajući prava i slobode svojih članova.

Program rada Udruženja poslodavaca KS za 2017/2021 godinu zasniva se na odredbama Statuta, smjernicama Upravnog odbora i biće usklađen sa aktivnostima UP KS u cjelini te usmjeren na jačanje pozicije Udruženja.

Program rada Udruženja prilagođen je trenutnoj ekonomsko-socijalnoj situaciji u zemlji i materijalnim mogućnostima i organizacionim i kadrovskim kapacitetima Udruženja i urađen je na bazi prijedloga članica Udruženja.

CILJEVI

Udruženje će svoju cjelokupnu aktivnost u ovoj godini zasnivati na nastojanjima za ostvarenje sljedećih ciljeva:

- Dosljednog provođenja mjera za rasterećenje privrede
- Smanjenje fiskalnih i parafiskalnih nameta poslodavcima
- Provođenje mjera za unaprijeđenje poslovnog ambijenta koji će omogućiti stabilno poslovanje članica, razvoj i punu zaposlenost
- Suzbijanje sive ekonomije
- Provođenje mjera za smanjenje javne potrošnje
- Provođenje mjera za poboljšanje likvidnosti
- Promocija poduzetništva
- Jačanje materijalnih, kadrovskih i organizacionih kapaciteta Udruženja
- Poboljšanje administrativnog i poslovnog ambijenta za brzo privlačenje domaćih i stranih investicija, razvoj poduzetništva i olakšavanje mobilnosti kapitala i ljudskih resursa

Za realizaciju gore navedenih ciljeva neophodno je:

- lobirati da institucije svih nivoa zakonodavne i izvršne vlasti hitno preduzmu mjere iz svoje nadležnosti
- angažovati eksperte na izradi prioriternih prijedloga
- da Udruženje odredi prioritne zadatke
- obezbijediti neophodne finansijske, kadrovske i materijalno-tehničke predušlove

PRIORITETNE AKTIVNOSTI

Glavne aktivnosti odnosit će se na:

- ✚ Stvaranje stimulatitnog i podsticajnog poslovnog ambijenta
- ✚ Rasterećenja poslodavaca
- ✚ Suzbijanje sive ekonomije
- ✚ Pobljšanje likvidnosti

Realizirajući programske zadatke u naredne četiri godine, Udruženje će pokušati da stvori optimalne uvjete za aktivno učešće poslodavaca u stvaranju pozitivnog poslovnog ambijenta za proširenje poslovnih aktivnosti i povećanje investicija radi produktivnog zapošljavanja i ostvarenja profita.

AKTIVNOSTI KROZ RAD EKONOMSKO-SOCIJALNOG VIJEĆA KS

Kroz rad naše delegacije u Ekonomsko-socijalnom vijeću ali i djelovanje samog Udruženja, insistirati će se na provođenju mjera, od strane institucija vlasti u cilju:

- ✚ Obezbjeđenja učešća predstavnika Udruženja poslodavaca da budu zastupljeni u upravne, odnosno nadzorne odbore kantonalnih institucija koje se finansiraju sredstvima poslodavaca kao što su: Zavod za zapošljavanje KS, Zavod za zdravstvo KS itd.
- ✚ Zajedno sa ostalim socijalnim partnerima insistirati na ograničenje javne potrošnje uz istovremeno poticanje potrošnje i stvaranje kreditnih linija
- ✚ Tražiti da se izvrši revizija svih kolektivnih ugovora i svođenje plata u realne okvire
- ✚ Adekvatnim radom i zastupanjem interesa članica, stvoriti prepoznatljivu sliku Udruženja i njegovu ulogu u radu ESV-a u odnosu na socijalne partnere Sindikat i Vladu

- ✚ Obezbijediti prisustvo predstavnika sredstava informiranja i transparentnost svih aktivnosti Ekonomsko-socijalnog vijeća
- ✚ Poduzimati aktivnosti na donošenje zakonske legislative u oblasti privrede sa ciljem stvaranja povoljnijeg poslovnog ambijenta i zaštite privatnog vlasništva
- ✚ Rad na suzbijanju sive ekonomije
- ✚ Predstavnicima Udruženja u Ekonomsko-socijalnom vijeću nastojat će da njihov rad bude u funkciji zaštite interesa kako poslodavaca tako i ukupne društvene zajednice

INTERNE MJERE ZA PODIZANJE KVALITETA RADA

Kontinuirano će se raditi na unaprijeđenju i jačanju kvaliteta naših usluga i na taj način će se sačuvati dosadašnje članstvo. Podizanjem kvaliteta našeg rada i ostvarenim rezultatima motivisaće se nove kompanije za pristupanje Udruženju.

- ✚ U tom cilju potrebno je kadrovski ojačati Udruženje i permanentno provoditi edukaciju zaposlenih kako bi se unaprijedio kvalitet i efikasnost rada
- ✚ U cilju obezbjeđenja potrebnih finansijskih sredstava za ukupne aktivnosti Udruženja, razvoj članstva odnosno učlanjenje novih poslodavaca, jedan je od prioritarnih zadataka Udruženja poslodavaca Kantona Sarajevo
- ✚ uvesti pravilo da Upravni odbor zasjeda prema potrebi a najmanje jedanput u dva mjeseca.
- ✚ Na sastancima razmatrati aktuelne teme i utvrđene zajedničke stavove prezentirati nadležnim državnim organima, te socijalnim partnerima
- ✚ U cilju stvaranja preduslova za kontinuirano finansiranje rada Udruženja provesti aktivnosti na naplati propisane članarine te eventualno obezbjeđenje sredstava kroz programe nevladinih organizacija
- ✚ Obezbijediti uvjete za rad Udruženje odnosno njegovih organa kroz opremanje adekvatnog kancelarijskog prostora definiran Protokolom sa Udruženjem poslodavaca FBiH

Dobrovoljno članstvo u Udruženje uvjetovano je sposobnošću organa da na adekvatan način zastupaju interes svih članica i privrede uopšte. Zbog toga je neophodno da izabrani poslodavci budu maksimalno aktivni za vlastitu dobrobit, ali i dobrobit ukupne društvene zajednice.

SARADNJA SA DRUGIM ORGANIZACIJAMA

Udruženje poslodavaca KS svoj rad ne može zasnivati kroz samostalnost već se njegove aktivnosti moraju oslonjati na uzajamnu saradnju sa drugim udruženjima poslodavaca i institucijama, kako u Kantonu, tako i u cijeloj BiH.

Organizacije sa kojima trebamo koordinirati i dogovarati implementaciju naših programskih zadataka: **Udruženje poslodavaca FBiH**: Udruženje poslodavaca KS će pružati punu podršku jačanju Udruženja poslodavaca Federacije BiH i Asocijacije poslodavaca BiH, **Privredna komora FBiH**, **Uprava za inspeksijske poslove, mediji, sindikat i druge institucije**.

Udruženje će nastojati kontinuirano informirati članove o zakonskim inicijativama i izmjenama zakona bitnih za poslovanje privatnih subjekata kao i poziv u rad radnih grupa na području zakonodavstva.

U cilju zajedničkog rada na stvaranju svih potrebnih preduslova za uspješno poslovanje i razvoj potrebne infrastrukture u okviru društvene zajednice, Udruženje će uspostavljati suradnju sa sličnim strukovnim asocijacijama i pokušati ostvariti slijedeće:

- ✚ uzimajući u obzir da je na području Kantona Sarajevo registriran značajan broj malih, srednjih i velikih firmi, neophodno je definirati modalitete zajedničkog nastupa kako prema socijalnim partnerima tako i prema izvršnoj i zakonodavnoj vlasti na nivou Kantona Sarajevo, Federacije BiH i Bosne i Hercegovine.

ZAKLJUČAK

Sve analize i pretpostavke ukazuju na to da će nastupajuće godine biti iznimno teške za rad privrednih subjekata. Uslijed toga objektivno je očekivati da, zbog slabijeg punjenja budžeta i nemogućnosti da redovno servisira i finansira budžetske korisnike, dođe do zastoja u pokretanje novih investicija u Kantonu Sarajevo.

Također, postoji realna opasnost, koja se već potvrđuje, da u ovom periodu, uslijed slabljena privrednih aktivnosti i smanjenja proizvodnje, dođe do otpuštanja većeg broja radnika.

Nepovoljan poslovni ambijent, koji je trenutno uslovljen ekonomskom krizom, utjecat će na efikasnost u radu Ekonomsko-socijalnog vijeća i odnose sa socijalnim partnerima Sindikatom i Vladom Kantona Sarajevo.

Zbog svega navedenog neophodno je da članice kroz organe Udruženja uzmu aktivno učešće i doprinesu prevazilaženju krize i oporavku privrednih subjekata u Kantonu Sarajevo.

Očekujemo da zajedničkom akcijom pomognemo sebi ali i drugima koji ovise od uspješnosti biznisa poslodavaca.

UPRAVNI ODBOR